

CAMBIO DI SISTEMA DI FINAL DI CALYPSO A CAUSA STAGNACION

ORANJESTAD(AAN):

Culpa ta wordo tira riba ASOMA, riba SAC, riba Mighty Talent, y di otro banda razon ta ser duna na ASOMA, SAC y na Mighty Talent, pero pa sali for di e impasse cu a desarolla a keda difiicil ayera, ora cu den madrugada ainda tabata tin stagnacionnan encuanto decisionnan tuma y stipulacionnan.

Pa 27 aña, concurso di Calypso tabata tin como tradicion, cu e Rey di Calypso ta canta e aña siguiente como ultimo participante, defendiendo su corona.

Aña pasa, aña 28 di e concurso, a bini cu e sistema di preclasificacion, y durante e reunion aki atrobe a bin dilanti pa di tanto aña sigui, proposicion pa cambia e sistema.

Den votacion cu a tuma lugar e tradicion a keda manteni cu diferencia di UN voto, y pa colmo, e banda cu a vota aki no a participa tampoco den e concurso despues.

ORGANIZACION DI E CONCURSO

E aña aki, despues di aña tras aña di desorganizacion, pleito, disgusto, malcontento etc. ASOMA a dicidi di reuni prome cu participantenan, lidernan di banda y nan miembronan, prome cu presenta na SAC pa e anochi di cumstumber di sacamento di lot, pa asina presenta tur cos na SAC, na un manera organiza, y pa evita tur "bom-boshi" di cumstumber durante e anochi aki.

Den e reunion aki di ASOMA, cu a bay di lo mas saxeno, tranquil y disciplina, a ser splica cu SAC y ASOMA a firma un acuerdo relaciona cu e concurso di calypso y cu e preseleccionnan lo ta anochinan ORGANIZA PA ASOMA y DI ASOMA, y cu e anochi final lo ta ANOCHI DI SAC Y ASOMA (50-50).

A ser splica cu ASOMA kier organiza e dos anochinan lo mihor posible, y mas atractivo posibel, y cu nivel musical halto pa e publico.

Tur gasto ta cay riba lomba di ASOMA, y tur eventual ganashi lo ta pa ASOMA, y

cu lo usa esaki pa e bandanan y pa aumenta premionan di ganadornan.

Aparte di esey, locual ta mas importante ta e nivel musical cu ASOMA kier subi pa e anochinan aki, y duna publico bon calidad.

Pa esaki ASOMA a busca lo mihor den equipo di sonido, y mihor tecniconan pa haci esaki posibel pa e dos anochinan, y tambe pa e anochi final.

PARTICIPACION DI REY DI CALYPSO Y DI ROADMARCH

A bini dilanti un biaha mas e asunto di Rey di Calypso y di Roadmarch, y nan participacion den final of no.

Ariba mesa tabata tin proposicion pa laga Rey di calypso y di Roadmarch bay final directamente; tambe proposicion pa laga rey di calypso canta un anochi (como ultimo cantante) di preseleccion pero compitiendo cu su Roadmarch, y e rey di Roadmarch canta un anochi (como ultimo cantante) den preseleccion, pero compitiendo pa clasificacion pa calypso; y tambe proposicion pa rey di calypso y rey di roadmarch participa den preseleccion como ultimo participante, (un cada anochi) compitiendo tanto den calypso como den roadmarch, y si nan clasifica, bay final, y tira lot den final igual cu tur otro clasificadonan.

Cada un di e puntonan aki a wordo discuti, evalua, balanza y analiza cu cada persona presente hayando oportunidad pa dirigi palabra, trece nan pro y contra dilanti etc. na un manera masha imparcial.

A vota riba cada proposicion y finalmente cu un mayoria abrumador, a keda aproba pa tanto rey di calypso como rey di roadmarch participa den preseleccion tanto cu nan calypso como nan roadmarch, y nan lo actua cada un riba un anochi como ultimo participante. Si nan clasifica, nan ta bay final igual cu tur otro y saca lot mescos cu tur otro pa nan secuencia di participacion.

PRESENCIA DI CLAUDIUS

E anochi aki di reunion, Claudius Phillips no a presenta na e reunion convoca pa ASOMA, y no tabata tin representante di su banda pa por papia na number di Oreo. El a kibra dreña 10.15 or anochi.

Despues cu a termina e punto di agenda andando, president di e reunion a informe di e decisionnan tuma. El a haya oportunidad di dirigi palabra, trece su argumentonan dilanti etc.

Sr. Phillips no a keda contento cu e decision, basando su mes riba tradicion di SAC y a laga sa cu si mantene e decision ey e lo no canta den e concurso pero si lo tey tur anochi pa toca pa su cantantenan, y el a bandona reunion.

REUNION NA SAC PA TIRA LOT

E atardi siguiente tabata e atardi di "Tiramento di lot" na oficina di SAC.

ASOMA a presenta organiza y cantantenan, musiconan,

lidernan di banda etc. a laga president di ASOMA so papia y splica e desarrollo, y cu tur cos ta organiza, y pa entrega tur asunto organiza na SAC.

Na dado momento cu president di ASOMA tabata splicando di e desarrollo(nan), el a ser interumpi pa SAC (Sr. Milo Croes), - prome cu e por a sigui splica tur cos manera ta y punto pa punto - bisando cu ta SAC ta organiza calypso contest, ta SAC tin vergunning, ta SAC tin reglamentonan cu mester atene na dje, y cu ASOMA tras di lomba di SAC a reuni y a cambia reglamento di SAC y no tin derecho di haci esaki, locual por a ser sucha tambe den transmision di radio for di oficina di SAC e anochi ey.

Sr. Milo Croes a laga sa cu ta su persona a organiza e prome concurso di calypso y cu e tradicion semper tabata cu e Rey ta bay final pa defende su mes contra locual e otronan lo cant'e. (algo cu masha poco sa pasa ultimo añanan).

El a keda para ariba cu no ta acepta e decision di ASOMA pasobra ta SAC ta organiza y SAC ta dicidi riba e concurso.

ASOMA no a haya oportunidad pa mostra riba e acuerdo cu e dos anochinan di

preseleccion ta di ASOMA, y no di SAC, y pakico ASOMA kier tur cos organiza debidamente etc. E reunion a termina manera ta conoci, cu tur hende a keda na duda si e concurso lo sigui of no.

CONCURSO TA SIGUI TOCH

Te cu diamars atardi, hopi hende no tabata sa si e concurso lo sigui e anochi ey cu e prome anochi of no debi na e confusion di e reunion na SAC.

A keda e atardi ey cu SAC lo reuni su dia siguiente cu su asina yama Raad van Beheer riba decision di ASOMA y cu ASOMA y SAC lo trata na solucion e problema cu a surgi.

ASOMA for di e dia ey a convoca Claudius Phillips pa reuni y no a haya contesta di dje, y na un reunion cu e lo a atende e no a presenta tampoco.

Ayera el a bira lomba bay laga e lidernan di banda y ASOMA durante e reunion den Club Bonairiano, y pa e reunion encuanto clasificadonan e no a presenta tampoco.

Ni e clasificadonan pa final no a wordo anuncia ayera madrugada debi na e reunion te cu a keda e pregunta e ora ey si lo tin concurso final si of no awe nochi.

Polar tin un regalo pa tur grupo
cu ta participa den Parada Grandi na Playa.

Djis yama nos na tel: 21304 of 24590

pa boso tambe por goza Carnaval 38 cu



Tambe lo tin prijs special
ariba cerbez di bleki
pa un y tur.

TEL.: 21304
24590

